

cordantiam destruere duarum frigiditatum & duarum humiditatum: & ipsam mutare in contrarium per calefactionem: absque sole qui plus iuuat ignem ad calefaciendum quam illa duo aquam ad in frigidandum &c. Item dicto de aliis similibus propter finem ergo celum & stellae & influentiae sunt: ut in inferioribus sunt operationes naturae. F. Recte credo te concludere hec generalia: dic & responde ad particularia: quae magis ut dicuntur sola ueterum auctoritate consistunt quam ratione: ut puta, quare sunt septem planetae: & non plures? quare, xii. signa & non plura uel pauciora?

Astro. Difficile est particularia attingere: in quibus iubet plato quiescere: sed nutu dei causam uere propinquiores indagabimus: attende. Omnia numero pondere & mensura deus constituit de trinario quanta dicat aristoteles primo de celo omitte: quanta Septenario numero praecleara quanta duodenario miranda ordinauerit deus gloriosus & sublimis: quorum tamen perfectam causam habere sui ipsius est: non ceterorum: tamen quantum naturales scientiae & mathematicae ostendunt & promittunt, inuestigemus: una ratio est quare sunt septem planetae solum per naturam: quia septem dies dominus constituit: ab initio: quieuit in sabbato: ergo cepit in die dominico a sole. f. F. Quomodo quieuit in septimo planeta in sabbato Saturni die a sole incoando: non ne superius dixisti in responsionibus plotini ex platoniceis uerbis sapienter & profunde numerum septem planetarum probari: quare ergo non in numero sed in ordine discordant. Astro. O fidelis attende: pulchra est questio: dies appellati sunt ab uniuerso nomine planetarum: & ordinati: licet uideantur in ordine discrepare: nam luna non sequitur immediate solem: sicut dies lune sequitur diem solis: & sic de aliis: attamen quia, xii. sunt horae diei: & similiter noctis teste saluatore: non ne, xii. cum sunt horae diei pariter sunt & noctis: & prima hora dicitur esse planetae diei: similiterque primae horae noctis dominus noctis dicitur: & ita denominantur a planetis dies & noctes: cum ergo initium fuerit a sole diei dominice dominus: fuit sol dominus primae horae noctis iuppiter, xiii. a sole computando per successionem planetarum ordinate: sol uenus mercurius luna Saturnus iuppiter Mars sol uenus mercurius luna saturnus iuppiter sic ergo tertiusdecimus a ioue erit luna: quae erit domina diei lune: & sic rationabiliter dies lunae sequitur